



www.BibleForChildren.org



San Juan 14



Orze' na ga'm rab mi dey: –Cue' zaan der nu gac deet nañ lardoor. Bicy cup der consuel lo Ñgyoozh, nunu ni' zi'l bicy cup der consuel lo ya. Gun lugaar ze' nu rcyiiñ Ñgyoozh uza, tona' la yu' lugaar par nu cyiiñ mbecy. Ze' benu walab ni, orze' ya bi mnee lo der.



Nde' nu ya̲ gya̲ ga̲. Gun zu napa̲ lugaar nu cyiiñ der.
Nunu despuees ornu bi ya̲a̲, nunu bi bzu napa̲ lugaar
nu cyiiñ der, orze' yapa̲ tuuba' tir par nu gya̲ du̲ der,
gun orze' cyiiñ der laab lugaar ze' nu ya̲ cyiiña̲.



Yā Waa bicy de ru. Gyub ic den tublaazh la ze' nu
gyub ic Ñgyoozh. Nunu tublaazh la zac zin nu
nac Crisht. Nunu Ñgyoozh cuic mi fers

ni den nu gagyen. Dela
nde' ricy Ñgyoozh nu

nac Crisht.



Yá rí pres lo tub nac yu nu ri gazel nisyudoo nu la
Patmos. Rí pres nu nac nu pshaala de riidz ni
Ñgyoozh, nunu nu nac nu bzata

Jesucrisht lo dela mbecy.



Laab or la ze', orze' gutib ic Espiriit Yon ni Ñgyoozh ya.
Orze' bzaaca tub yashily ze' nu riib ic mbecy gashtal
gyibaa la. Ze' zub tub mbecy loñ.




Orze' ni' zi'l güeñā nu rnii dela coz nu psa' lagy
Ñgyoozh: dela coz nu yu' gyibaa, nu de coz nu yu'
gyishlombecy ii, nunu de coz nu bi
gut, gal nu de coz nu yu' lo
nisyudoo. Orze' na dela nde':
Gyabic den gyel mbecy ni biñ nu
riib ic lo yashily, ni biñ nu nac Shily.
Nunu ca lagy
den lom, nunu
grib zily den mi,
nunu mi ze'
gyub ic mi dela
coz dub laa
tiem, na de
coz ze'.




Orze' bzaaca gyedz ni Ñgyoozh. Gyedz ze' lañ
Jerusaleeng cub. Orze' bzaaca ñii bruuñ lo Ñgyoozh
gyibaa bet ñi. Bi zu lily ñii gal nu zu lily tub nob mña
nu chelaam ñgyeem. Orze' güeña nu ye la zaab ti' rñii.
Ti' ze' bruuñ ze' nu riib ic Ñgyoozh. Orze' nay: –Na

Ñgyoozh bi
rcyiiñ mi lat de
mbecy. Nunu
cyiiñ num dey par
lo. Nunu de yu ze'
gac dey mbecy nim.
Nunu laab Ñgyoozh
gac num dey. Nunu
mi ze' gac mi Ñgyoozh
ni dey.



Gaze' nu anc ze' blyuuy tub gyoow ni nis nu rbic gyel
mbañ lo. Ryal ñi gal nu ryal tub gyita' nu rdugyi yaa lo.
Orze' gyoow ze' bruuñ gal lugaar ze' nu riib ic Ñgyoozh
gal nu biñ nu nac Shily.



Orze' gyedz ze' walagy ñi yaa ni doo ni yaa ni beey,
gun gyel lily ni Ñgyoozh, nde' rbic ñi yaa. Nunu biñ nu
nac Shily ze', mi ze' nam gal nu na candiil ni gyedz ze'.



Orze' ni tub coz a' nap wac chu'ñ lat gyedz ze'. Ni mbecy nu shiñ ricy, ni mbecy nu rguu wac chu'y lat gyedz ze'. Tub zi la de yu nu bi ca nu la lo libr ni biñ nu nac Shily, lo libr nu ta' nu la de mbecy nu gruu mbañ, tub zi la de yu ze' gac chu'y gyedz ze'.




Orze' mi ze' cyib mi nis urlo dey.
Orze' de yu ze' rila wata'y, ni
wayicy shni ga' dey, ni wuna'
dey, ni wagatowa' ni dey. Gun
dela coz nu gu' gulas bi bded
niñ –nay.




Orze' ni tub la coz nu bzaa lagy Ñgyoozh ni sac ñi lat gyedz ze'. Orze' lat gyedz ze' zu yashily ze' nu riib ic Ñgyoozh gal nu biñ nu nac Shily. Orze' de yu nu ricy coz nu rlagy Ñgyoozh driib zily dey mi lugaar ze'.


Lo nu loo la rzac dey mi, nunu ca nu lam cyuga dey.



Orze' bzaacã dela mbecy nu bi gut nu zu par lo ze' nu zu yashily ze'. De yu lily, nu de yu gyidz, dela dey zuy par lo yashily ze'. Gaze' nu byaal lo de libr. Orze' ni' zi'l byaal lo libr nu ta' nu la de mbecy nu cui mbañ. Orze' de mbecy nu bi gut duri bee ni dey dub gal mod nu bicy dey gal nu bi cañ lo de libr ze'. Orze' cyu zi'l mbecy nu sac nu la lo libr nu ta' nu la de mbecy nu cui mbañ, orze' de yu ze' gyet lag yu lo gyel ni gyi ze'.



Orze' Espiriit Yon ni Ñgyoozh gal nu nob ni biñ nu nac Shily mnii dey. Orze' na dey: –¡Da! –na dey. Orze' de mbecy nu bzuub gyidag riidz ze' rnii ga' dey: –¡Da! –rnii dey. Orze' ca na de mbecy nu rbigy nis, benu rlagy yu, gac cyid yu go'y nis nu rbic gyel mbañ. Nunu leew la gad ñi.



'Gun Ñgyoozh tona' la rcam de ru mbecy
nu yu' gyishlombecy ii. Nde' nu gal briic
lam ya i'ñ mi nu tub zi zu nim ni der. Gun
orze' de mbecy nu gyicy cup consuel
lo, de yu ze' want lo dey, sinu gad
nu cui mbañ dey tub la.



Romanos 3:23

Gun dela mbecy bicy dey coz cyi, nunu a' yad ñi ni dey nu zac yu lo gyel lily nim.

Romanos 6:23

Gun i den nu gyabic coz cyi, nde' nu gat na. Tees coz nu leew la rbic Ñgyoozh ni den, nde' nu cui mbañ den tub la nu nac nu nac den mbecy ni Shuaan na Jesucrisht.

Hebreos 9:27

Na dela mbecy rlagy ñi nu gat dey tub tir zi'l, nunu despuees orze' gri bee Ñgyoozh ni dey.



Efesios 2:8,9

Gun Ñgyoozh bicy mi tub faboor num den nu bloo mbañ mi den nu nac nu ricy cup den consuel lo Crisht. Walab nu ni bicy mi nu nac de coz nu de ub na bicy na, sinu nde' tub coz nu leew la bicy nu Ñgyoozh de ub na. Walab nu nac de coz nap nu ricy den, nde' nu gruu mbañ naa. Nde' nu walagy ñi nu gyicy zily mbecy ub yu.

Romanos 10:9,10

Benu nu ru'r niir nu Jesuuz nac mi Shuaan ru, nunu benu nañ lardoor cheña lagy ru nu Ñgyoozh bicy mi nu byabañ mi, orze' gruu mbañ ru. Gun nu nac nu gyicy cup den consuel lo Crisht nañ lardoon, nde' gyicy ñi nu gyanap den lo Ñgyoozh. Nunu nu nac nu zat den Jesucrisht nu ru'n, nde' gyicy ñi nu gruu mbañ den.



San Juan 3:16,17

'Gun Ñgyoozh tona' la rcam de ru mbecy nu yu' gyishlombecy ii. Nde' nu gal briic lam ya i'ñ mi nu tub zi zu nim ni der. Gun orze' de mbecy nu gyicy cup consuel lo, de yu ze' wanit lo dey, sinu gad nu cui mbañ dey tub la. Gun Ñgyoozh wanseed mi ya, biñ nu nac i'ñ mi, gyishlombecy ii par nu niim nu yu' falt ni de mbecy, sinu par nu co mbañ mi dey nu nac ya.

1 San Juan 5:11-13

Ze' de riidz ze' rniñ nu Ñgyoozh bicy mi nu gac cui mbañ den tub la. Ze' nu cui mbañ den, nde' gad ñi nu nac i'ñ mi. Orze' de mbecy nu nac nu Jesuuz, i'ñ Ñgyoozh, de yu ze' bi guud nu cui mbañ yu. Tees de mbecy nu a' nac nu mi ze', de yu ze' wad nu cui mbañ dey. Ya zeeda gyicy ii lo de ru mbecy nu ricy cup consuel lo Jesuuz, i'ñ Ñgyoozh, par nu gad lagy der nu bi guud nu cui mbañ der tub la.



San Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Zapotec Texmelucan NT (zpz) © 2004, Wycliffe Bible
Translators, Inc. All rights reserved.

<https://live.bible.is/bible/ZPZTBL/MAT/1>

©2026 Bible for Children, Inc.

www.M1914.org

www.bibleforchildren.org

